

四庫全書

集部

欽定四庫全書

集部

宋詩紀事卷三十四

詳校官給事中臣鄧文泮

侍讀臣孫球覆勘

總校官進士臣繆琪

校對官典簿臣郭祚熾

謄錄監生臣葉世華

欽定四庫全書

宋詩紀事卷三十四

錢塘厲鶚撰

任伯雨

伯雨字德翁眉山人舉進士元符中除左正言
崇寧初以黨論謫儋州移道州遇赦提點明道
宮紹興初贈諫議大夫淳熙中謚忠敏

宿西軒

茅簷不動晚風微獨對爐煙枕半欹唯有多情沙上月

依然青瑣照人時

焚香有感

埽地焚香開竹扉
輕煙郁郁間朝暉
卻思昔日延和殿
對罷曾攜滿袖歸

以上前賢小集拾遺

獨坐

得喪榮枯事悠悠
過耳風此身猶是幻
何物不為空酒

聖心常醉詩窮語
更工小軒搔首坐
斜日滿窗紅

羸奎律髓

句

身投魑魅家何在澤被昆蟲罪未除

贈賈昌化
和張才叔
梁溪漫志

林積

積元祐中左中散大夫知福建路

題州宅艤閣

濟川須用楫罔水戒行舟四海風波路安眠是勝游

淳熙

三山志

徐大正

大正字得之甌寧人元祐中築室北山下名閑

軒秦少游為之記蘇子瞻為賦詩人以北山學士呼之

題釣臺

光武初從血戰回故人長短尚論材中宵若起唐虞興
未必先生戀釣臺

建寧府志得之嘗赴省試過釣臺賦詩東坡見之遂與定交

邢居實

居實字惇夫河南原武人恕子早卒有呻吟集

合璧事類前集邢惇夫有文早夭東坡云敦夫
自為童所與交皆諸公長者百不一見遂與草
木共盡山谷云謝師復年未二十文章不類少
年語方行萬里出門而車軸折甚矣敦夫似吾
師復也且有絕句云詩到隨州更老成江山為
助筆縱橫眼看白壁埋黃壤何況人間父子情
敦夫父名恕字和叔從伊川先生學元祐初除
御史後謫隨州

王直方詩話惇夫自少便多憔悴感慨之意其
秋懷詩云高歌感人心悲將奈何棗陽道中
云有意問山神此生復來否已而果卒於漢東
雪浪齋日記恕子年十四賦明妃引子瞻見而
稱之由是知名病羸早天王直方編其遺草為
呻吟集

李伯時畫黃知命騎驢圖為賦長歌

長安城頭烏欲棲長安道上行人稀浮雲捲盡暮天碧
但有明月流清輝君獨騎驢向何處頭上倒著白接羅
長吟搔首望明月不學山翁醉似泥到得城中燈火鬧
小兒拍手攔街笑道旁觀者那得知相逢疑是商山皓
龍眠居士畫無比搖毫弄筆長風起酒酣閉目望窮途
紙上軒昂無乃似君不學長安游俠誇年少臂鷹挾彈
章臺道君不能提攜長劍取靈武指揮猛士驅貔虎胡
為腳踏梁宋塵終日飄飄無定所武陵桃源春欲暮白

水青山起煙霧竹杖芒屨歸去來頭巾好挂三花樹

王直方詩話雙井黃知命初自江南來與彭城陳履常俱謁法雲禪師于城南夜歸過龍眠李伯時知命衣白衫騎驢緣道搖頭而歌履常負杖挾囊于後一市大驚以為異人伯時因畫為圖敦夫作長歌云云敦夫時年未二十也

寄陳履常

十年客京洛衣袂多黃塵所交盡才彥唯子情相親會
合能幾日歡樂何遽央春風東北來飄我西南翔驪駒
已在門白日行且晚停觴不能飲將去更復返把腕將

髭鬚悲啼類兒女人生非鹿豕安得常羣聚朝別河上
梁暮涉關山道匹馬逐飛蓬離恨如春草去去日已遠
行行淚橫臆昨日同袍友今朝離鄉客來時城南陌始
見梅花白回首漢江頭黃梅已堪摘杖策登高城極目
迴千里落日下青山但見白雲起遠望豈當歸長歌涕
如雨歸心如明月幽夢過潁汝抱鄴長相思故人安可
見忽枉數行書彷彿如對面紛紜輦轂下冠蓋爭馳逐
吹噓多賢豪肯復念幽獨空齋聽夜雨深竹聞子規此

情不可道此心君詎知

雨後出城馬上作

既雨天氣佳微雲淡如掃欲尋天際鐘騎馬河邊草紫
堪飽黃鸝人家夏蠶老田婦踏縑車隔離語音好嗟我
一何愚讀書浪枯槁不及此中人中年客長道

秋風三疊寄秦少游

秋風夕起兮白露為霜草木憔悴兮竊獨悲此衆芳明
月皎皎兮照空房晝日苦短兮夜未央有美一人兮天

一方欲往從之路渺茫登山無車兮涉水無航願言思
子兮使我心傷

秋風淅淅兮雲冥冥鷓鴣巢晝號兮蟋蟀夜鳴歲月徂邁
兮忽如流星少壯幾時兮老冉冉其相仍展轉反側兮
從夜徹明悵獨處此兮誰適為情長歌激烈兮涕泣交
零願言思子兮使我心忼

秋風浩蕩兮天宇高羣山逶迤兮溪谷寂寥登高而望
遠兮不自聊駕言適野兮誰與遊遨空原無人兮四顧

蕭條猿狖與伍兮麋鹿為曹浮雲千里兮歸路遙願言
思子兮使我心勞

以上宋文鑑

明妃引

十四歲作

漢宮有女顏如玉淺畫愁眉遠山綠披香殿裡夜吹笙
未央宮中朝理曲絳紗蒙籠雙蠟燭簫鼓聲傳春漏促
玉輦三更別院歸夜深月照黃金屋莓苔滿院無行迹
總為君王未相識天上天仙骨格別人間畫工畫不得
嫣然一笑金輿側玉貌三千斂顏色羅幃繡戶掩香風

一朝返嫁單于國金鳳羅衣為誰縷長袖弓彎不堪舞
一別昭陽舊院花淚灑臙脂作紅雨回頭不見雲間闕
黃河半渡新冰滑馬蹄已踏遼羯塵天邊尚挂長門月
黃沙不似長安道薄暮微雲映衰草羌人馬上鳴悲笳
綠鬢紅顏為君老西風蕭蕭易水寒啼痕不斷幾闌干
年年看盡南飛鴈一去天涯竟不還少年將軍健如虎
日夕撞鐘槌大鼓寶刀生澀旌旗卷漢宮嫁盡嬋娟女
寂寞邊城日將暮三尺角弓調白羽安得壯士霍嫖姚

縛取呼韓作編戶

合璧事類前集

秋晚

目送閒雲盡日愁
寒來著破舊貂裘
憑誰說與西風道
留取黃花點綴秋

後村千家詩

句

微意平生在江海
塵冠今日為君彈

寄陳後山
後山詩注

任淵

葛敏修

敏修字聖功廬陵人
從山谷學登元祐進士宰

確山元符閒上書願附黨籍

南華竹軒

不用山僧供帳迎世閒無此竹風清獨拳一手支頤臥
偷眼看雲生未生

能改齋漫錄山谷南遷還至南華竹軒令侍史
誦詩板戒勿言姓名久之有一絕云云徐視之
曰果吾學子葛敏修也

李才甫

才甫蒲田人

江西泊舟後作

江水冥冥沙石陰一舸行盡春已深
浪花綠蔓曳錦帶短蘆刺水抽玉簪
飢魚未沈波面筒小舫正橫溪上風
清輝濯盡遠山碧白鳥飛入蒼煙叢

山谷外集自注云太和小舫板上塵土中得此詩

蘇邁

邁字伯達軾長子官安化令

夜坐聯句

清風來無邊明月翳復吐坡松聲滿虛空竹影侵半戶
邁暗枝有驚鵲壞壁鳴飢鼠坡露葉耿高梧風螢落空
廡微涼感團扇古意歌白紵樂哉今夕遊獲此陪杖屨
邁傳家詩律細已自過宗武短詩膝上成聊以感懷祖
坡蘇文忠公集

句

葉隨流水知何處牛帶寒鴉過別村

江鄰幾雜志蘇伯達東坡長子豪邁雖不及其
父而學問語言亦勝他人子也少年作詩云云

先生見之笑曰此村長官詩後東坡貶惠州伯達求潮之安化令以便饋親果卒於官

熟顆無風時自脫半腮迎日鬪先紅
林檎 東坡志林

陳復常

復常潁州教授

紀雪中事

掠地衝風敵萬人蔽天密雪幾微塵漫山塞壑疑無地
投隙穿帷巧致身映雪讀書今已老閉門高臥不緣貧
遙知更上湖邊寺一笑潛回萬寶春

侯鯖錄元祐六年汝陰久雪一日天未明東坡
來召議事曰某一夕不寐念潁人之饑欲出百
餘石造餅救之老妻謂某曰子昨來陳見傳欽
之言簽判在陳賑濟有功何不問其賑濟之法
某遂相召余笑謝曰已脩之矣今細民之困不
過食與火耳義倉之積穀數千石可以支散以
救下民作院有炭數萬秤依原價賣之二事可
濟下民坡曰吾事濟矣遂草放積穀賑濟奏檄
上臺寺陳聞之有詩

蘇過

過字叔黨軾季子仕為權通判中山府家潁昌
營湖陰水竹數畝名曰小斜川自號斜川居士

有斜川集

送曇秀詩

三年避地少經過十日論詩喜琢磨自欲灰心老南岳
猶能繭足慰東坡來時野寺無魚鼓去後閒門有雀羅
從此期師真似月斷雲時復挂星河

東坡題跋曇秀來惠州見余余病已絕不作詩
兒子過麓能搜句時有可觀此篇殆咄咄逼老
人矣特為書之以滿行橐

賦鼠鬚筆

太倉失陳紅狡兔得餘腐既興丞相嘆又發廷尉怒磔
肉餒餓貓粉髯雜霜兔插架刀稍健落紙龍蛇驚物理
未易知時來即所遇穿墉何卑微託此得佳譽

苔溪漁
隱叢話

雪

沈沈五侯居碧瓦映華枕獸炭麒麟紅銀瓶黃封揭春
風繞幄帳醉面生綺纈賜宴明光宮玉色迷金闕誰憐

草門士破壁穿飛屑

事文類聚前集

金陵上吳開府兩絕句

時平無事清吟好，衛霍貪功未是奇。爭似一篇人膾炙，

四方傳誦卧龍詩。

自注：開府帥襄陽時，嘗游隆中，為諸葛孔明賦詩，有翻覆看俱好之句，為

世稱誦故云。

廟堂陶鑄人材盡，流落江淮老病身。又踏槐花隨舉子，

思量鄧禹是何人。式古堂書考

劉發

發元祐中華亭主簿

贈鼓琴文照大師

寶琴何所得所得甚幽微聊借絲桐韻還超智慧機霜
風悲玉軫江月入珠徽向此諸緣盡人間孰是非普照
寺續

古錄

王 雍

雍文正公旦之姪元祐中通判濠州

題三學山

五色琉璃白晝寒當年佛腳印梅檀藕絲織出三衣妙
貝葉經傳一偈難夜看聖燈紅菡萏曉驚飛石碧琅玕

更聞鸚鵡因緣塔八十山僧試說看

方輿勝覽在蜀金堂縣東北有佛迹石理堅潤
瑩白如玉非世間追琢所能又有神燈寺有碧
玉佛龕藕絲袈裟錦字多心經貝葉金字涅槃
經寺前檜栢皆隋唐故物又有飛石乃自雲頂
山飛來又有鸚鵡塔乃鸚鵡能念佛死遂瘞於
塔王雍有詩

高茂華

茂華字秀實呂居仁稱其人物高遠有出塵之

姿入元祐黨籍

城東寄王越州

五年不出青門道邂逅尋春此一回忽憶秦川貴公子

桃花落盡合歸來

許彥周詩話

句

中途畱眼占星聚一宿披顏覺霧收

和呂居仁詩話

紫微

周 燾

燾字次元瀛溪先生次子元祐進士為貴池令

官至寶文閣待制

暑雪軒

崇臺窮石照氣味樂偷閒南陸朱明馭西闌白雪山茶

甌回舌本塵尾落談閒欲綴風煙句彌高不可攀

成都文類

遊天竺觀激水

拳石者婆色兩青竹龍驅水轉山鳴夜來不見跳珠碎

疑是簷間滴雨聲

咸淳臨安志

王 澧

暑雪軒

望處疑蓬島天長碧海間雲霞收玉宇煙浪湧銀山茶

入清談裏風生兩腋間詩成似西嶺高嶮不容攀

成都文類

田望

暑雪軒

聖福軒重敞偶來心地閒因談丁士冢知是武擔山人

在冰壺裏天垂玉壘間賡歌白雪句巴客強追攀

成都文類

孫埃

暑雪軒

地僻宜避暑官卑幸頗閒虛傳力士擔始信蜀妃山嶺

雪青霄畔城煙密樹間清談容款接妙句獨難攀

成都文類

周沔

沔元祐中溧水丞

句

螢火不知人已去夜深猶傍竹窗明

題無想寺讀書臺景定建

康志

米芾

芾字元章吳人

一云襄陽人

以母侍宣仁后藩邸恩

補校書郎太常博士出知無為軍踰年召為書
畫博士擢禮部員外郎大觀二年罷知淮陽軍
有寶晉英光集

吳江垂虹亭作

斷雲一片洞庭帆玉破鱸魚金破柑好作新詩寄桑苧
垂虹秋色滿東南

除書學博士初朝謁呈時宰

半生湖海看青山慣佩笭箵攬轡艱曉起初馳朱雀路

霜華慙綴紫宸班
百寮卑處瞻丹陛
五色光中望玉顏
浪說書名落人世
非公那解徹天關

甘露作呈夷曠

欲雨氣不透
庭梧有栖煙
回首望北固
雲藏淨名天
呼童速具輿
凭高覽山川
隱見豈不好
開霽景固全
須臾剛風流
湛湛清露圓
歸途知有伴
華月上丹淵

甘露寺

并序

甘露寺壁有張僧繇四菩薩吳道子行腳僧元符末一

旦為火所焚六朝遺物掃地李衛公祠手植檜亦焚
蕩寺故重重金碧參差多景樓背山面江為天下甲
觀五城十二樓不過也今所存唯衛公鐵塔米老庵
三間作詩悼之云

色改重重構春歸戶戶嵐槎浮龍委骨畫失獸遺眈神
護衛公塔天畱米老庵柏梁終厭勝會副越人談
英光集

以上
寶晉

楊誠齋詩話潤州大火惟存李衛公塔米元章
庵元章喜題云云有輕薄子於塔庵二字上添

注爺娘二字元章見之大罵蓋元章母嘗乳哺
宮中故云

題嗣濮王畫蘆鴈

王名宗漢字獻甫安懿王幼子

偃蹇汀眠鴈蕭梢風觸蘆京塵方滿眼速為喚花奴

野趣分弱水風花翦鑑湖塵中不作惡為有鄴公圖

畫繼

荅劉巨濟

劉郎收畫早甚卑折枝花草首徐熙十年之後始聞道
取吾韓戴為神奇邇來白首進道與學者信有髓與皮
始知十襲但遮壁牛馬便可裹弊帷
我我太平老寺主

白紗帽首無冠鞋武士後立肅大劔宮女傍侍顰修眉
神清眸子知寡欲齒露脣反法定飢世人見服似摩詰
不知六朝居士衣後人忽把亂唐突梁時筆法了可知
道子見之必再拜曹劉何物望藩籬本當第一品天下
卻緣顧筆在漣漪

畫史

懷南唐硯山

硯山不復見哦詩徒歎息惟有玉蟾蜍向余頻淚滴

輟耕錄米元章自記云右此石是南唐寶石久為吾齋硯山今被道祖易去中美舊有詩云云

今每誦其詩必懷此石近余亦有詩云云此石
一入渠手不得再見每同交友往觀亦不出示
紹彭公真忍人也余今筆想成圖彷彿在目從
此吾齋秀氣尤不復泯矣崇寧元年八月望米
芾書余二十年前嘉興吳仲圭為畫圖錢唐吳
孟思書文後攜至吳興燬於兵偶因清暇默懷
往事漫記於此

琴詩

澹乎無味中指下清音發

闕五字

空山墮涼月

郭天錫日記云訪因無礙首座出觀米老墨迹
一冊四幅此詩歸尋英光集檢之不見

開先寺觀瀑布

度峽捫青玉臨深坐綠苔水從雙劍下山挾兩龍來春
暖花驚雪林深石迸雷塵纓聊此濯欲去首重回

廬山紀事

中秋登海岱樓

目窮淮海兩如銀萬道虹光育蚌珍天上若無修月戶

桂枝撐損向西輪

清河書畫舫

將之苕溪戲作呈諸友

松竹畱因夏溪山去為秋久賡白雪詠更度采菱謳縷
玉鱸堆案團金菊滿洲水宮無限景載與謝公遊

郁氏書畫

題跋記

拜中岳命作

雲水心常結風塵面久虛重尋釣黿客初入選仙圖鼠
雀真官耗龍蛇與衆俱卻懷閒祿厚不敢著潛夫

瑞巖庵清曉

西山月落楚天低不放紅塵點翠微鶴唳一聲松露滴

水晶寒溼道人衣

以上珊瑚網

孔夷

夷字方平號演阜先生元祐中隱士劉攽韓維
之畏友

贈關淵聖學士

吳越聲飛二十年緇衣空復歎遺編紫芝眉宇風塵外
太白文章錦繡前可是石渠方載筆未應水國要歸田
他時雪裏相逢處能記騎驢孟浩然萬姓統譜

寄王定國

世路難行肯效尤蒲桃斗酒換涼州春風不到仲文樹

野水猶沈夢得舟珍重故家青玉案徜徉鄉社翠雲裘
淮南千里鶯花老月照關山笛裏愁

高郵州志

李孝先

孝先字玠叔元祐間人為范忠宣所知官朝奉
郎

題餘干縣于越亭

吳越猶干地要衝樹亭危岸勢憑空春潭倒影黃昏月
古木喧聲白晝風鷗鷺慣來窺讌集雲烟無著護簾櫳

淒涼故國多遷變獨有溪山在望中周益公題跋

許覺之

覺之元祐閒人

舜井斷碑

在隨州碑字漫滅惟碑陰有五大夫字相傳秦時碑舊在舜子巷草閒今在漢

東閣下

一千二百餘年外萬古銷磨不可尋舜子井泉誰記古
隨人問巷祇如今隸書字雜科蟲體氏爵名存樂石陰
登覽時來醒醉眼也勝俗物在園林方輿勝覽

劉 珵

珵字純父元祐癸酉守明州疏月湖積土為十
洲隨景命名與舒直倡和又嘗以戶部郎中守
蘇州

西湖十洲詩

淺深艷冶一枝枝帶露臨風不自持水上紅雲真縹緲

多才卻憶退之詩

右花嶼

古渡隋堤千萬縷年年折盡最長條誰知煙雨汀洲晚

閒舞東風拂畫橋

右柳汀

延祐四明志

劉 幹

幹字仲偃崇安人元祐九年進士累官資政殿
學士靖康中拜河東北宣撫副使召入為京城
守禦使京師陷宰相遣幹使金營金人議立異
姓幹自縊死建炎初贈資政殿大學士謚忠顯

紫雲巖

萬疊青山入畫圖最高高處著浮屠薄雲弄月明還暗

小雨飛空有卻無山鳥避人疑俗駕老僧好客點雲腴
我來一笑忘塵慮倒載歸與日欲晡

建寧府志

曾紆

紆字公衮布之子以蔭補官入元祐黨籍紹興
二年除直顯謨閣知衢州自號空青先生有集

孫仲益序云公文章守家法而學詩以母夫人
魯國魏氏為師句法精麗絕去刀尺有古詩之
風

戲作冷語

萬山雲雪陰霾空
千林霜霰水搖風
凍河徹底連三冬
嘉平曉獵峻函中
十二律呂相與宮
安得此候疎煩胃
墨莊漫錄

江樾軒書事

臥聽灘聲瀾瀾流
冷風淒雨似深秋
江邊石上烏桕樹
一夜水長到梢頭

竹間嘉樹密扶疎
異鄉物色似吾廬
清曉開門出負水

已有小舟來賣魚

詩人玉屑

宣州水西作

杖藜出郭一水近石磴古路穿松筠萬仞絕壁倚天末
百折驚灘當寺門泉聲飛下錦繡谷殿影插入玻璃盆
宣州水西天下勝閬州城南何足論

方輿勝覽

寧國道中

渡水穿橋一徑斜潦收溪足露汀沙半川雲影前山雨
十里香風晚稻花異縣悲秋多客思豐年樂事屬田家
故園正好不歸去滿眼西風吹鬢華

詩林萬選

客愁

客愁如繭絲一攬成萬緒秋風不可奈又到庭前樹秋
風自有時客愁了無期不如飲美酒誦我山中詩

前賢
小集

拾遺

余爽

爽字荀龍良肱子以父任授校書郎元祐末為
瀛州防禦推官除名竄封州崇寧中與兄卞入

黨籍

玉京洞

在天台縣北赤城山右蓋第六洞天許邁嘗居之

羽駕歸來洞已扃
洞門深鎖讀殘經
瓊臺一覺仙都夢
不見松根長茯苓

東臨滄海宴羣仙
誤入桃源小洞天
一局殘棋消幾刻
老龍鬚甲已蒼然

半山松柏散天聲
芝蓋當年憩赤城
我是上皇芸閣吏
玉京應有舊題名

天台山志

畢漸

漸潛江人紹聖元年進士第一官膳部員外郎
出知荆南府

贈林子山

兒童聞說子山名將謂先生是古人海上偶經仙洞府
巖前猶見玉精神南華久徹逍遙夢兒率重來自在身
攜得新詩天上去不教辜負到全閩

捫蝨新語畢狀元漸使福建日嘗按部過羅源
時南華翁林子山致仕居南華洞年已八十餘
以詩迓之有當年春榜首傳名對御如君有幾
人之句畢公和贈多所獎借

李朴

朴字先之虔州興國人紹聖元年進士崇寧中
入黨籍靖康初除著作郎國子祭酒高宗即位
除祕書監未拜而卒少從伊川遊人稱章貢先
生有章貢集

中秋

皓魄當天曉鏡升雲閒仙籟寂無聲平分秋色一輪滿
長伴雲衢千里明狡兔空從弦外落妖蟄休向眼邊生

靈槎擬約同攜手更待銀河到底清

後村千家詩

天竺山

天竺崎嶇絕海邊何人分作贛江禪
鷲山巧疊三峯石葛隄深疏兩派泉
一醉風光能幾許十年塵跡尚依然
欲題豹隱還相笑望斷長空簇暝烟

遊通天巖

春烟澄霽色杖策出郊坰
疊嶂浮空翠孤雲卷斷青
燕銜泥作壘僧結草為亭
萬樹山風裏鐘聲下界聽

次韵玉巖應詔

天書遠下事徵求鄉里同推馬少游
世事已非三不可年華卻是一宜休
豈緣薄祿貽身累只為當時分主憂
筇杖芒屨留我伴佇間談笑即封侯

擲餌求魚計亦難長鯨搖曳海波寬
狂風有待三秋起健翮須教萬里搏
直以逸民朝聖主不隨計吏上春官
庖刀休用援尸祝巾笥寧封貢禹冠

憶玉巖

阿閣曾看紫鳳棲暮年江國擁旌麾孤雲南北本無定
浮世悲歡那可期鶴頂丹砂埋藥竈鴨頭綠水浸春陂
待公踏徧紅塵地景物歸來似舊時

秋風燕雀正關關忽見籬邊菊又斑寒雁自知霜露重
海鷗長伴水雲閒百年往事丹心裏千古聲名直道間
此意屬公須慷慨晚雲成雨便歸山

漱水志林宗史藝文志李朴集二十卷逸不傳
今輯得詩數首

乞巧

處處香筵拂綺羅為傳神女渡天河休嫌天上佳期少

已恨人間巧態多齟舌自應工嫵媚方心誰更苦鐫磨

見孫樵柳子厚乞巧文

獨收至拙為吾事笑指雙鍼一縷過

瀛奎律髓

江公望

公望字民表睦州人舉進士建中靖國初由太

常博士拜左司諫以直龍圖閣出知壽州入黨

籍編管南安軍赦還卒建炎中贈右諫議大夫

句

春光吳地減山色上林深題良岳

劉後村跋云江公題良岳句比之鄧肅花石綱詩彼刻露而此含蓄矣

趙暘

暘字又若其先本杭人徙鄭州及汴中紹聖元年進士累官直龍圖閣提舉江州太平觀過江

寓信州玉山家焉

題劉資仁韓幹飲馬圖

韓幹所畫天閑圖縣官日給三品芻不嘶不鳴肥如鳧

時時步作康莊衢飲之曲江戲短蕪沙軟風輕樂于
豈知渥洼真龍駒垂頭戢耳困鹽車圉人太僕反歔歔
瘦骨硤砢甘為奴不須驤首顧長途局促騎足何時無
聲畫集

奉和姚仲美臘梅

陽和都未見芳菲初喜寒苞發故枝絕色負無朱粉態
真香寧許燕鶯知凝愁金谷登樓日斂黛溫泉賜浴時
寫作新聲傳玉笛誰人持向月中吹

瀛奎律髓

徐迪

迪繁昌人紹聖元年進士

北園和邑宰蔡確韻

簷影蔭游魚江聲顫屋竹雲帆天外去龍利空中直
甌霞明晚渡紅草暖晴沙綠澄波見歸鳥紛靄迷飛鷺有時
雪浪吹玉馬爭追逐青霄皓月滿琉璃顛目謝傳昔
出宰天葩動驚俗一讀梁閒詩清風感佳木

太平府志

范冲

冲字元長祖禹長子紹聖元年進士建炎中官翰林學士守衢州坐與趙鼎有連落職

贈了空長老

幾回飛錫入紅塵一任隨緣自在身
琢句不妨明日用援琴誰與聽
陽春揚眉瞬目如相委捧腹狂歌即是真
湯餅藜羹奉朝夕自憐擔板小乘人

衢州府志

游爛柯山青霞洞天

石梁傑出望南洲登覽從公破旅愁
碁罷未應消一日

人歸無奈已千秋塵纓自喜臨流濯車轄仍逢好事投
莫怪神仙近如許當年此地絕深幽

爛柯山洞志

呂頤浩

頤浩字元直其先樂陵人徙齊州紹聖元年進
士高宗朝拜少保尚書左僕射同中書門下平
章事罷為鎮南軍節度使提舉洞霄宮卒贈太
師封秦國公諡忠穆

次韻張全真參政退老堂

東郊卜築傍溪流
菡萏香中繫小舟
脫去簪紳歸畎畝
悟來漁釣勝公侯
青雲舊好何妨厚
白雪新詩為寵留
又指湘潭問行路
一堂風月阻同遊

瀛奎律髓

陳暘

暘字晉之福州人紹聖元年舉賢良方正能直言極諫科徽宗朝除太常丞歷禮部侍郎顯謨閣待制提舉洞霄宮有樂書二十卷建中靖國初進禮書陳祥道用之其兄也

缺題

行義當年帝所聞，聲名久矣動簪紳。
文場秉筆淵源厚，師席談經業履醇。
白髮忽驚蒿里暮，青山難問若溪春。
兩京模範垂芳遠，多少生徒淚滿巾。

式古堂書考

吳 玠

玠字正仲，滁州人。紹聖丁丑中宏詞科，靖康中官翰林承旨，使金被留，仕偽楚。建炎後安置永州，移韶州，有優古堂詩話。

靖康傳信錄金人欲廢趙氏立張邦昌令吳玠
莫儔傳道意旨往返數四京師人謂之捷疾鬼

擬梅軒

五月霏霏雨不開若邪溪畔摘楞梅朱丸忽向靈窗見
疑是雲根越嶺來

誰家蜜漬借微酸小摘曾聞飮玉盤爭似江南風致在
瓶紅初向綠陰看

能改齋漫錄京師中太一宮道士房有楮結子
如楊梅徽宗車駕臨幸觀之名曰擬梅軒越中
楊梅最佳土人謂之楞梅又北人以梅汁漬楮
益以蜜名假楊梅故正仲及之

葛勝仲

勝仲字魯卿丹陽人書思子紹聖四年進士元
符庚辰中宏詞科累遷國子司業終華文閣待
制知湖州卒謚文康有丹陽集

題觀音院德雲堂

弱水無風到海山慈容親禮紫梅檀亭亭寶刹凌雲近
湛湛清池漱玉寒橘瘦暗飄紅萬顆竹迷曾時綠千竿
藕花不是南朝夢直有殘香透畫闌

吳郡志

妙行堂

妙行堂前聳碧鮮壺中軒外疊巔岼山門靜對青霄潤
佛殿寬圍碧玉寒躡屐喜隨談理客饋漿驚見字民官
開山老侶存遺像試問何如釋道安

武康縣志

蔣璿

璿明州人紹聖四年進士

和潘良貴題明州三江亭韻

安仁不放二毛侵爽氣凌虛玉萬尋談笑薄施三昧手

登臨誰會五湖心倦遊方戢沖天翼高賦難賡擲地金
怪得朝雲飛畫棟夜來曾聽老龍吟

延祐四明志

胡直孺

直孺字少汲奉新人紹聖四年進士靖康間知
南京為金所執不屈久之得歸高宗朝擢龍圖
閣直學士知隆興府進兵部尚書有西山老人
集

孫仲益序云公少工詩語出驚人魯直一見擊
節歎賞他文稱是筆力雄贍如行雲流水自然

成文

同官倡和用山字韻

章句飄飄續小山古風蕭瑟筆追還海鵬共擊三千裏鐵
馬同歸十二閑功業會看鐘鼎上聲華已在縉紳閒他
年記憶憐衰老為報西川引一班

桐江詩話少汲宣和閒在河朔作漕日同官陳
亨伯輩倡和山字韻詩少汲最後成人皆歎服
苕溪漁隱曰元豐閒王平甫有海鵬未舉三千
里天馬須歸十二閑之句甚為一時所稱道
鶚按此詩當屬少汲

送春

冷酸梅子漸生仁鶯老花飛跡已陳
一夜南風搖斗柄
明朝煙柳不關春

能改齋漫錄

春日

風雲吹絮柳飛花睡起鉤簾日半斜
四海隨人雙燕子
相逢處處作生涯

墨莊漫錄

贈劉邦直

夢魂南北昧平生邂逅相逢意已傾
楚國山川千疊遠

隋堤煙雨一帆輕我無健筆翻三峽君有長才肅五兵
同是行人更分手不堪風樹作離聲

詩人王肩山谷云少汲後生中豪士也讀書作文殊不塵埃使之不倦雖競爽者未易追也同是行人更分手佳句也邂逅相逢意已傾已道了劉三十一笑

胡安國

安國字康侯建寧崇安人入太學以伊川友朱
長文及潁川靳裁之為師紹聖四年舉進士第
三高宗朝歷官寶文閣直學士卒詔贈四官諡

文定有武夷集

舟入荆江東赴建康

長沙渺渺接天浮，萬古朝宗日夜流。
洲在尚傳鸚鵡賦，臺高應見鳳凰遊。
路經赤壁懷公瑾，水到柴桑憶仲謀。
白日幸無雲物蔽，好看澄景對高秋。

瀟洛風雅

嚴陵釣臺

歸隱桐江知幾春，靜看浮世一鷗輕。
此心在世原無著，誤說持竿是釣名。

釣臺集

題崔白喧晴圖

黑頭禽笑白頭禽頭白初因計慮深棲向柳條尤不穩
從風斜折更關心式古堂畫考

翁彥國

彥國字端朝彥約弟紹聖四年進士累官至御
史中丞靖康之難為江淮荆浙制置轉運使充
經制使領兵入援貽書切責張邦昌高宗即位
兼江南東西路經制使卒贈少保

西巖寺

澗行詰曲似乘槎流水飄裾亂曉霞
紫翠堆中蕭寺隱
隔溪煙樹兩三家

翰墨大全

周仲仁

偶題雪竇和尚親書偈卷

道人詩句從梁得老筆崢嶸自一家
誰會林間相見事

莫都錯看亂飄花

紹聖四年

志雅堂雜抄

葛次仲

次仲字亞卿江陰人勝仲之兄兄弟皆為大司

成有集句詩三卷

崑山慧聚寺集句

全吳臨巨溟

皮日休

青山天一隅

李頎

靜境林麓好

陸龜蒙

勝

駭凌方壺

李白

泓泓野泉潔

韋應物

暖暖烟谷虛

韋應物

攀雲

造禪局

韋應物

躋險築幽居

謝靈運

道人刺猛虎

李白

復來雉

榛蕪

杜甫

咄嗟檀施開

杜甫

以此屋廬

韓愈

側疊萬古石

李白

功就豈斯須

賈島

礪成廣殿

陸龜蒙

鬼工不可圖

皮日休

有

欽定四庫全書

卷三十四

窮者孟郊

韓愈

過山亦躊躇

孟郊

賦詩留巖屏

李

琚

錢起

我訪岑寂境

陸龜蒙

幸與高士俱

韋應物

時升翠微上

李涼閣對紅蕖

韋應物

岸幘偃東齋

韋應物

果藥雜紛敷

韋應

物上方風景清

白居易

華敞綽有餘

白居易

高窗瞰遠郊

韋應

物萬壑明晴初

齊己

賞愛未能去

韋應物

頽霞照桑榆

宋孝武

老僧道機熟

柳宗元

閒持貝葉書

柳宗元

秉心識本源

杜甫

高

談出有無

李

茗酌待幽客

李

頓令煩抱舒

韋應物

異門

孟浩然

意合不為殊

李

抖擻垢穢衣


白居易

惟有牟尼

珠杜餘生願休止賈投策謝歸塗錢

起

崑山祺詠



宋詩紀事卷三十四

欽定四庫全書

集部

宋詩紀事卷三十五

六

詳校官給事中臣鄧文泮

侍讀臣孫球覆勘

總校官進士臣繆琪

校對官典簿臣郭祚熾

謄錄監生臣葉世華

欽定四庫全書

宋詩紀事卷三十五

錢塘厲鶚撰

陳汝錫

汝錫字師子青田人紹聖四年進士浙東安撫使有鶴溪集

暮游石門洞

落帆倚芳洲冷日銜翠壁沙平野步穩不費支筇力邂逅到幽洞雲水已昏夕陰崖上蒼穹杳不見轍迹巖前

月色薄細路稍可覓瀑泉號秋聲飛練不計尺僧房得
少憩坐久耳方寂河梁謫仙人握手見胸臆囊無一錢
看志有萬里適拄頰坐西山琢句愈工績同游得二妙
筆陣亦勑敵笑談頗傾坐酬唱屢即席顧予舌本強咀
嚼覺清液林泉信幽竒歲月尤迅亟茲游莫辭頻能著
幾緲屐

句

閒愁莫浪遣留為痛飲資

以上括蒼彙紀

葉夢得

夢得字少蘊吳縣人清臣曾孫紹聖四年進士
累官龍圖閣直學士帥杭州高宗朝除尚書右
丞江東安撫使兼知建康府行宮留守移知福
州提舉洞霄宮居吳興弁山自號石林居士有
石林集

送模歸卞山并示僧宗義為余守西巖者

自我離山間忽已兩改月飢人不忘食未坐先已說家

僮挾書至驚起慰愁絕推尋到雞犬問訊窮曲折此生

豈多為一壑萬慮滅可能復大錯更鑄八州鐵

東注江領八

州汝歸馬蹄輕初不恨觸熱殷勤報松竹吾豈成久別

端居探幽竒自謂畧已徧昨登西山巔雄絕昔未見溪

湖莽吞吐雲物紛百變乃知十年閒尚或遺勝踐巢成

輒棄去我豈秋社燕

自注築南山絕頂亭亭基垂成而來

為吾課童僕開

闢盡二面莫言羊腸險徑小煩屢轉杖藜不用扶吾腳

猶爾健

次韻再荅激仲

生涯久許捕魚郎，鳬雁相追不亂行。
但遣陶廬有松逕，不辭楚酒醉椒漿。
交情老栢寒方見，妙語靈珠夜有光。
回首漸知歸路好，已看梅柳動初陽。

杜堅大夫作南窗求詩為賦

意得不願多心閒，本長虛超然適有契。
天地良有餘，頗念彭澤老所懷。
常宴如南窗，僅幾何盤薄。萬古初束帶，
悟已往世紛，便能疎懸知。千載情共有三間，
廬杜子老。

不遇買田賦歸歟西山鬱攬空江山繞故墟衡門閉松
菊亦有琴與書邂逅一杯酒安知我非渠

題晁公耄惠崇溪山

荒林翳宿莽脫木寒無煙不知三間茅中有幾醉眠山
遠尚見雪江空欲吞天歸舟定何許滄波方渺然

戲方仁聲四絕句

戲弄偏舟泊宅村卻尋三徑築茅墩雲邊此意真難解
賸作新詩與細論

水檻新開似浣花
傍溪須更作浮槎
祇應屢費王宏酒
時要清樽對落霞

不惜囊錢信手空
荒田卻擬望年豐
天公可是憐風月
判遣詩人一例窮

盧橘楊梅已及時
我歸先自在前期
平生不作宣明面

浪媿將軍建鼓旗

仁聲舊居城東泊宅村張志和所游也今徙西溪作雲茅庵因東岡為小

亭號茅墩欲傍溪
開水檻久無資
會郡守有饋之酒
余十壺不敢飲
亟易之乃克成
有田數十畝
常苦下潦
余居石林與雲茅南北正相望故四章皆及之

康集

宋詩紀事

景修與吾同為郎夜宿尚書新省之祠曹廳步月
庭下為言往常以九月望夜道錢唐與詩僧可久
泛西湖至孤山已夜分是歲早寒月色正中湖面
渺然如鎔銀傍山松檜參天露下葉閒蕤蕤皆有
光微風動湖水晃漾與林葉相射可久清癯苦吟
坐中淒然不勝寒索衣無所有空米囊覆其背為
平生得此無幾吾為作詩記之

霜風獵獵將寒威林下山僧見亦稀怪得題詩無俗語

十年肝膈湛寒輝
澄懷錄

遊南峯寺

并序

遊南峯寺獨登待月嶺而還長老才上人示欲作亭
嶺上以待予再至因以詩贈云

澤國鍾下流有山獨西南標奇借明眼夙昔多窮探腹
背眩金碧鐘魚半精藍支郎放鶴處妙解無餘談高木
氣未炎綠陰正清酣我嬾倦登陟茲行咤猶堪幽尋雖
云初佳處默已諳久欲謝塵滓往同彌勒龕平生術九

九晚識前三三才也實可人窮年玩煙嵐胸中有定水
萬境潛包含嚴霜埽頰紫老幹餘梗楠噉蔗要自佳食
茶亦云甘坐斷方丈室天花雨毳毼笑我窘世網何殊
老眠蠶我今已解縛真理早自耽但恐愛山意多求尚
成貪願借待月嶺重開石頭庵偃松久傲兀碧琳故澄
涵言尋覺庵路更欲從徧參

吳郡志

送嚴壻侍郎北使

朔風吹雪暗龍荒
橐駝驚看玉節郎
拏矢石怒

音拏

傳地

產鑿閭析木照天光傳車玉帛風塵息盟府山河歲月
長寄語遺民知帝力勉拋鋒鏑事耕桑

瀛奎律髓少蘊以妙年出蔡京之門靖康初守
南京當罷廢胡文定公以其才奏謂不當因蔡
氏而棄之然石林詩話專主半山而陰抑蘇黃
非正論也秦檜之和雖萬世之下知其非是後
四句含糊說過無一毫忠義感慨之意則猶是
黨蔡尊舒紹述之徒常態也

劉安上

安上字元禮永嘉人紹聖四年進士歷侍御史
給事中除徽猷閣待制出知外郡有給事集

清漣亭泛舟

高樹環清池波平春正綠
移舟近南岸倒影見華屋
危橋屬修徑幽思生遠目
更登狎鷗亭可以忘寵辱

憶鷗鷺

鷗鷺知何許南園春水多
稻梁隨分有煙雨想無他
世上貪毛羽湖邊足網羅
池塘棲息穩慎勿厭風波

賀左經臣見過

為愛端居上郡章里問何
幸得徜徉買田郭外春耕
早

築室湖濱野趣長，且把舊書遮病眼。
了無塵事擾中腸，故人訪我留佳句。
應笑年來兩鬢蒼。

萬田道中

水濶疑無路，雲深僅有山。
兒童划小艇，出沒稻塍間。

花靨鎮

下蔡嬉遊地，春風萬杏繁。
誰家堪繫馬，青壁竹籬門。
花靨誰名鎮，梅妝自古傳。
家家小兒女，滿額點花鈿。

舒州西門

拂雲亭外竹千竿靜聽清聲戛玉寒卻憶謝公巖下路
水風涼處戰檀欒以上給事集

寇國寶

國寶字荆山徐州人從陳無已學紹聖四年進
士為吳縣主簿

後山集有贈國寶絕句云承家從昔如君少得
士於君孰我先口擬說詩心已解世間快馬不
須鞭

題閭門外小寺壁

黃葉西陂水漫流
簾篠風急滯扁舟
夕陽暝色來千里
人語鷄聲共一

石林詩話此詩尤佳從蘇黃門庭中來固自不同

周知微

知微字明老吳興人紹聖四年進士為晉州縣尉到官不數月不告於州徑來京師人問其故云我欲求教授至京不得一夕大醉而卒

雙頭白蓮圖

君不學叔隗季隗南歸晉又不學大喬小喬東入吳一
種桃根與桃葉若為化作雙芙蓉臨淮政成有餘暇坐
令華屋生瀟灑鴛溪一幅萬里寬移得浙川入圖畫天
空水濶江茫茫想見女英與娥皇九疑雲深蒼梧遠冰
姿玉泣不成粧苦心抱恨何時了香骨應甘沒秋草不
如回首謝秋風分作尹邢來漢宮

苔溪漁隱叢話

浮萍

小靨浮青水拍隄隄邊草色更相宜一番穀雨晚晴後

萬點楊花春盡時
解與曲池藏寶鑑
不教新月妒蛾眉
怪來別岸波光濶
知是漁郎艇子移

庚溪詩話

題龜山回文

在盱眙縣北

迢迢綠樹淮天曉
靄靄紅霞海日晴
遙望四山雲接水

碧峯千點數帆輕

方輿勝覽

句

後車鶯燕春聲早
前騎熊羆夜氣遒

邊塞上元
游宴口號

暮天斜

去空成字遠地頻來不寄書

咏雁
庚溪詩話

疾風甚雨悲

游子峻嶺崇山非故鄉

優古堂詩話

姚舜明

舜明字廷輝嵯縣人紹聖四年進士除直祕閣
提點兩浙刑獄高宗朝充江淮荆浙都督府隨
軍轉運使權戶部侍郎進徽猷閣待制

贈翠微主僧冲邈

僧臘俗年俱老大儒書佛教舊精勤姑蘇一萬披緇客

四事無如彼上人

中吳紀聞

王元甫

元甫紹聖閒居廬山敕賜高尚處士蘇東坡過
九江因道士胡洞微求謁之元甫云吾不見士
大夫十年矣竟不見

景陽井

動地隋兵至君王尚宴安須知天下窄不及井中寬樓
外鋒交白溪邊血染丹無情是殘月依舊照闌干
錄

能改齋漫

黃大臨

大臨字元明山谷之兄紹聖中萍鄉令

後山詩話魯直有癡弟蓄素琴而不御蟲蟲入焉魯直嘲之曰龍池藏壁蝨而未有對魯直之兄大臨旦見牀下以溺器畜生魚問知乃其弟也大呼曰我有對矣乃虎子養溪魚也

寅菴詩寄魯直

手把齊民種時書莎衫臺笠事耘鋤夏栽醉竹餘千箇
春糞辰瓜滿百區早秣旋春嘗麴蘖新梁炊熟自樵蘇
日西杖屨行山口招得隣丁作飲徒西江詩話

黃叔達

叔達字知命山谷之弟

鶚按黃玉林云名知命字元明誤

豫章詩話黃知命黔中數詩附山谷集中殊有家法或云山谷潤色以成弟之名嘗與陳履常謁法雲禪師夜歸衣白衫騎驢緣道搖頭而歌履常行於後一市驚以為異人明日李伯時畫以為圖邢惇夫作歌

行次巫山宋楸宗遣騎送折花厨醕

攻許愁城終不開
青州從事斬關來
喚得巫山強項令
折花傾酒對陽臺

上南陵坡

風淪水宿六千里蛇退猿啼八百盤上得坡來總歡喜
摩圍依約見峯巒

題小猿叫驛

大猿叫罷小猿啼箐裏行人白晝迷惡藤牽頭石齧足
嫗牽兒隨淚陸續我亦下行莫啼哭

以上山谷集附

劉光

光紹聖中仙居令

括蒼洞

古洞藏真不記年
翠崖蒼壁故依然
怪來一夜清無夢

身在仙家第十天

赤城志

李元膺

元膺東平人南京教官紹聖間李孝美作墨譜
法式元膺為序蓋此時人也

十憶詩

憶行

屏帳腰支出洞房花枝窈地領巾長帟邊遮定鴛鴦小
只有金蓮步步香

憶坐

椅上藤花闌面平繡帟斜綽茜羅輕踏青姊妹頻來喚
鴛鴦貪弓不意行

憶飲

綠蟻頻催未厭多
吧羅香軟襯金荷
從教弄酒春衫浣
別有風流上眼波

憶歌

一串紅牙碎玉敲
碧雲無力駐晴霄
也知唱到關情處
緩按餘聲眼色招

憶書

纖玉參差象管輕
蜀牋小硯碧窗明
袖紗密掩嗔郎看
學寫鴛鴦字未成

憶博

小閣爭籌畫燭低
錦茵圍坐玉相歌
嬌羞慣被諸郎戲

袖映春蔥出注遲

憶顰

漫注橫波無語處輕攏小板欲歌時
千愁萬恨闌心曲
卻使眉尖學別離

憶笑

從來題目值千金無事羞多始見心
乍向客前猶掩斂
不知已覺鈿窩深

憶眠

泥嬌成困日初長
暫卸輕裙玉簟涼
漠漠帳煙籠玉枕
粉肌生汗白蓮香

憶妝

宮樣梳兒金縷屏
釵梁水玉刻蛟螭
眉間要點雙心事
不管蕭郎只畫眉

墨莊漫錄王全玉作宮體十憶詩李元膺見之
愛其詞意宛轉且曰讀之動人老狂不能已聊
復效尤其情致殊妍麗自非風流才思者不能
也

李釜

釜字元量元符三年進士第一

畱題王官谷

司空唐達士寂寞卧雲岑
擾擾任羣態休休信此心
泉聲半山急柳色舊庭深
彷彿登臨處遺蹤一訪尋

蒲倅李釜

元量解官東還蒲解巡鹽鄒信子亮虞鄉酒正周謂德孺尉孔壩和叔首山孫鳳聖符酌錢王官谷食後至瀑布亭取水試茶日暮分首舊有鄙詩一章因并題焉王官谷集

張勸

勸字闕道永福人元符三年進士歷中書舍人

給事中御史中丞述古殿學士知本州陞辭除
工部尚書靖康初避去除名勒停

山輝堂

在福州東山愛同寺

蕭蕭松竹蔭華扉更敞虛堂隱翠微雲露峯巒橫秀色
月低巖壑弄清輝分開遠碧鳴泉落點破寒光白鳥飛
還似山陰秋霽後照人懷抱欲忘歸

淳熙三山志

安惇

惇字處厚廣安軍人上舍釋褐元符初累官御

史中丞徽宗朝拜同知樞密院卒

重建太虛觀

昔年遊歷訪霓旌多謝仙師數里迎
今日重來知有意此身應不為公卿

能改齋漫錄樞密安公諱犯御名元祐末為江
東漕因遊廬山太虛觀未至數里間有道士紫
衣阜巾領徒七人迎謁既而不知所在至觀謁
陸靜修仙師遺像則宛然其人也元符末庚辰
公再到賦詩

向子諲

子諲字伯恭臨江人敏中元孫欽聖憲肅皇后
再從姪元符初以恩補官高宗朝歷徽猷閣直
學士知平江府尋致仕號所居曰鄉林

題王文孺臞菴

仙翁五十鬢猶青高卧柴門畫亦扃茅舍已忘鐘鼎夢
蒲輪休過薜蘿亭陰森門巷先生柳寂寞江天處士星
晚歲田間農事了閒鈔甯戚相牛經

吳郡志

題鄉林

莫問清江與洛陽山林總是一般香
兩家地占西南勝
可是前人例姓楊

樓玫瑰集云香山得洛陽履道坊楊常侍舊宅
鄉林得臨江五柳坊楊遵道光祿別墅有詩云
云

題米元暉橫軸

早為山谷印可晚陪帝所清閒筆力休論扛鼎神功更
解移山

向日家居道士令朝碧落仙鄉胸次山高水遠筆端雲

起風狂
攻媿集跋

石 忬

忬字敏若蕪湖人元符三年進士宣和元年中
辭科仕止密州教授有橘林集

絕句

來時萬縷弄輕黃去日飛毬滿路傍我比楊花更飄蕩
楊花只是一春忙後村詩話

成都歲暮始微寒小酌遣興

革帶頻移紗帽寬
茶鐺欲熟篆香殘
踈梅已報先春信
小雨初成十月寒
身似野僧猶有髮
門如村舍強名官
鼠肝蟲臂元無擇
遇酒猶能罄一歡

詩林萬選

柳絮

若無筋力太輕柔
何物如今得自由
帶雨飄來成墜雪

卷春歸去作飛毬

全芳備祖

咏雪

鸚鵡杯中未覺貧
寒凝酒面不成鱗
如何飛上參軍鬢

與惱紅樓歌舞人
菊坡叢話

句

鳥聲應為故人好
梨雪欲將春事空
負郭生涯千畝
竹長年心事四愁詩
千里江山漁笛晚
十年燈火客
羶寒日邊人去雁行斷
江上秋高楓葉寒
天濶鳥
雙下山寒人獨歸

茗溪漁隱叢話石敏若橘林集汪彥章龍溪集
今並行於世二集之詩相犯甚衆不可槩舉未
知果誰作耶設或皆彥章作則橘林集中好詩
無多儻去此遂空冀北之羣矣

曾誠

誠字存之孝寬子元符閒祕書監

獨醒雜志南豐之曾曰鞏曰年曰宰曰布曰肇
章貢之曾曰弼曰懋曰班曰開曰幾皆以伯仲
取科第致位通顯南豐之最著者子固子開而
子宣遂登相位章貢之最著者叔夏天猷若吉
甫雖晚遇亦終次對此二族蓋甲於江南也泉
南之曾自丞相魯公一傳而有樞密孝寬再傳
而為祕監誠三傳而為今丞相懷又曾氏之最
著也

與同舍諸公飲王詵都尉家有侍兒輩侍香求詩
求字者以煙濃近侍香為韻得濃字

俯仰佳人看墨蹤和研親炷寶熏濃詩情過筆當千里
妙思凝香欲萬重山盡洩雲傾白酒越羅霑露浥黃封
從來粉黛宜燈燭妙手憑誰寫醉容

七夕王都尉邀同舍置酒聽琵琶

寶鑑凌雲結綺高小匳爭巧暮分曹春蔥細撚龍香撥
秀頸偏明邏沙槽牛旣寫形呈粃妝馬軍馳酒送蒲萄
淚珠散作人間露最覺更闌潤錦條

以上墨莊漫錄

田 晝

書字承君陽翟人以世父況任為校書郎元符
間監廣利門建中靖國初召為大宗正丞知淮
陽軍有集

蘭亭續考潘耒云鄒正言浩赴貶所其友人告
之曰使君官京師遇寒疾五日不汗死矣獨嶺
海之外能死人哉友為誰田晝是也

墨莊漫錄許洛兩都士大夫之淵藪黨論之興
指為許洛兩黨崔德符陳叔易皆戊戌生田承
君李方叔皆己亥生並居潁昌陽翟時號戊己
四先生以為許黨之魁故諸公皆坐廢之久

築長隄

築長隄白頭荷杵隨者妻背脅偃僂筋力微以手置胃
路旁啼老夫七十嫗與齊五尺應門生兩兒夜來春雨
深一犁破曉徑去耕南陂南鄰里正豪且強白紙大字
來呼追科頭跣足不得稽要與官長修長隄官長亦大
賢能得使者意正隄駕輶軒不復問餘事終當升諸朝
自足富妻子何惜桑榆年一為官長死

杜牧

弟病兄孤失所依當時書語最堪悲豈圖乞得南州後

卻恨尋芳去較遲

以上宋文鑑

邵伯溫

伯溫字子文康節先生子以薦入仕為西京教授徽宗朝入元符上書邪等累遷提點成都路刑獄有河南集邵氏間見錄

李氏席上有感

翻翻繡袖上紅茵舞姬猶是舊精神坐中莫怪無歡意
我與將軍是故人

過庭錄子文為陝西宣撫司馬與路鈴李君交
往甚熟李家有數侍婢每遇歌宴子文必預後
十餘年而李君已死值其妻生辰命子姪宴子
文於書舍遣舊婢出舞酒酣子文感愴宿昔即
席作詩云云諸子得之入呈其母皆感泣不自
勝乃令謂子文曰宅中得公佳句情緒作惡難
復行酒即容別日款會子文不終席而退良久
憮然曰所謂口乃禍門

充城口號

山圍翠合水連雲萬室樓臺照眼明地勝風淳真樂國
四川惟說好充城錦繡萬花谷

姚舜陟

舜陟江陰軍簽判

題常樂寺五雲臺

虛空本無雲一氣誰所主雲空兩無礙起滅自散聚吾
聞心歸源空殞亦無所應知不空者物感自如雨君看
賢首師自視木與土與雲亦奚期況問色有五云何坐
說法瑞應乃如許休疑諸天集未必衆龍吐雲空法如
是我說無說故堂中嫡孫在客至當問取

至元嘉禾志

呂希哲

希哲字原明公著之子以蔭入官用薦為崇政
殿說書徽宗朝歷直祕閣出知曹州入黨籍奪
職罷為宮祠卒

絕句

水晶宮殿玉花零
點綴宮槐卧素屏
特敕下簾延墨客
不因風雪廢談經

晁氏客語原明元祐間侍講大雪不罷講講孟
子有感哲廟一笑喜為絕句云云

絕句

老讀文書興易闡須知養病不如閒竹牀瓦枕虛堂上
卧看江南雨後山

紫微詩話公謫居歷陽閉門卻掃不交人物有
絕句云云

句

獨抱遺經唐處士差強人意漢將軍

呂氏家塾記楊國寶應之余從姑之子也少強
學力行元豐中會於都城余見其貧而不屈老
而益壯以詩贈之云云

除卻借書沽酒外更無一事擾公私

伊洛淵源錄榮陽公晚居宿州真揚間十餘年
衣食不給有至絕糧數日者公處之宴然靜坐
一室家事一切不問不以毫髮事託州縣其在
和州嘗作詩云云間居日讀一爻備考古今諸
儒之說默坐沈思隨事解釋夜則與子孫評論
古今商榷得失久之方罷

楊道孚

道孚字克一張文潛之甥少有才思為舅所知

遺榮陽呂公

雨綠霜紅郭外田山濃水淡欲寒天
參軍抱病陪真賞

一檄呼歸亦可憐

紫微詩話元符初滎陽公謫居歷陽道孚為州
法掾從公出游以職事遽歸遺公詩云云

李甲

甲字景元華亭人善為填詞小令有聞於時畫
翎毛有意外之趣米海岳嘗稱之

蘇東坡題嘉興景德寺李景元畫竹詩云聞說
神仙郭恕先醉中狂筆勢瀾翻百年寥落何人
在只有華亭李景元

題畫

誰潑烟雲六尺綃寒山秋樹晚蕭蕭十年來往吳淞口

錯認溪南舊板橋

柘上遺詩

劉定

定字子先官戶部侍郎

謝章子厚

故人天上有書來
責我疎愚喚不回
兩處共瞻千里月
十年不寄一枝梅
塵泥自與雲霄隔
駑馬難追騏驎才
莫謂無心向門下
也曾終夕望三台

高齋詩話章子厚與劉子先有場屋之舊子厚居京口子先守姑蘇以新醞洞庭春寄之其後

隔十年子厚拜相亦不通問寄書誚其相忘遠
引之意子先以詩謝云云即名為宰屬遂遷戶
侍

劉彥祖

彥祖任館職

句

別後頻芳草愁邊更落花

風月堂詩話晁以道云此詩酷似劉夢得

張鎔

送向綜通判桂州

百里常淹展驥材
除書遠自九天來
綠油車上揚旌去
畫鷁舟中疊鼓催
桂嶺花光紛似雪
荔江波色滌如苔
訟庭塵滿無留事
惟伴登臨燕席開

粵西詩載

申屠炯

寶林寺

在越州城中龜山上

欲共高僧話幽尋
入寶林途分喧寂境
座息是非心
老鶴栖巢穩
靈鰻蟄井深
山中饒勝迹
歲月幾登臨

越咏

封萬里

題錢知監東臯別業

別墅連城郭超然遠垢氛蚌明宵閣見鶴唳曉堂聞翠

滴堦前露紅鋪水上雲悠悠持祿者應媿不如君

至元嘉禾

志

陳肅

肅都官員外郎

蔡經宅

巖扉生翠靄石壁凌朱霞草木狀多怪鸞鶴歸如家誰
嫌狡獪心滿地投丹砂

麻姑集

張懷

憶吳江

多年襍被玉山岑鬢雪欺人忽滿簪
駑馬雖然貪短豆野麋終是憶長林
鱸魚未得乘歸興鷗鳥惟應信此心
見說新橋好風景會須乘月濯煩襟

吳郡志

翁緯

緯新會長官

使華亭

在莆田城北五里臨溪之西瀑布高可百尺先輩徐夔之別墅

走清奔碧日潺湲勢與晴江遠接連沙草翠微驅馬路
岸花紅溼釣魚船煙生遠店收寒雨風起高梧咽暮蟬
徐氏舊居人識否渡南溪下白雲邊

興化府志

林子來

歙硯

瑟瑟方池霧縠紋麝煙初散墨花春晴窗靜晝桐陰轉

筆下雲生字入神

硯箋

楊 桓

陰平道

棧道險復險客懷愁更愁萬山俱絕壁一水不通舟

陝西通志

陶 應

題寶鷄縣

雪樓當月動清寒渭水梁山鳥外看聞說德宗曾到此

吟詩不敢倚闌干

方輿勝覽

岑碩

碩字希微

句

金屋暖猶積玉闕寒更深雪伯嚭肆讒吻夫差失霸圖

吳山廟極目又芳草捲簾非故山

旅中春日登樓
歷代吟譜

章造

西樓

高花古柳傷城闋游目江城次第新百感中來倍惆悵

滿城煙雨滿城春

吳郡志

胡融

葛洪井

在太平縣丹厓山

荒巔有野井古意豁宜搜
蘚石已摧剝雲蘿閱清幽
憶昔抱朴翁煉液棲高邱
丹成已蟬蛻巖花幾春秋

台州府志

郭挺

挺字元傑許昌人從李方叔學

挽李方叔

顓頊詞林失俊英已應精爽在蓬瀛楷模昔日依元禮
貧病他年累長卿無復波瀾窺大手空將日月送虛名
當時潁曲為耕地祇有風灘晝夜聲

過庭錄

程之邵

元符中知福建路提舉陝西茶馬

碧光亭

在釣龍臺山

寺壓高臺最上頭一亭新就得清遊天連遠岫交相碧
地枕長江分外幽烟際晴光渾不斷望中詩思浩難收

公餘幸有賓朋樂聊把狂篇索唱酬

淳熙三山志

宋詩紀事卷三十五